

Área / Unidad GESTION ADMINISTRATIVA MEDIO AMBIENTE MA1000 JHC	Documento 54114I02ST	
Código de verificación  360U 5N10 0N5F 013Z 07ZR	Expediente 541/2020/373	
	Fecha 29-04-2020	

ANUNCIO

PLAN DE PREVENCIÓN DE INCENDIOS DO CONCELLO DA CORUÑA. CAMPAÑA 2020

O 14 de marzo do 2020 o Goberno español declarou mediante Real Decreto 463/2020 o estado de alarma en todo o territorio español para a xestión da situación de crise sanitaria ocasionada polo COVID-19, cunha duración inicial de quince días naturais. A situación actual obrigou a que o estado de alarma tivese que ser prorrogado varias ocasións, sendo lóxico pensar que aínda poida estenderse no tempo.

O Real Decreto 463/2020 establece na súa Disposición Adicional Terceira a suspensión dos termos e a interrupción dos prazos para a tramitación dos procedementos das entidades do Sector Público, agás cando se acorde motivadamente a **continuación daqueles procedementos administrativos que sexan indispensables para a protección do interese xeral**.

Con base no exposto, e sendo a actividade de prevención e loita contra os incendios forestais unha actividade esencial de innegable interese xeral, mediante Decreto da Concelleira Delegada de Medio Ambiente de data 21 de abril do 2020 declaráronse os procedementos administrativos enmarcados dentro da **campaña anual de prevención de incendios do Concello da Coruña para o ano 2020 procedementos cuxa tramitación resulta indispensable para a protección do interese xeral**.

Polo anterior, cómpre **lembrarlles ós titulares das parcelas incluídas na rede secundaria de faixas de xestión da biomasa do Concello da Coruña, así como ós titulares dos correspondentes dereitos de aproveitamento, a obriga que teñen de xestiona-la biomasa vexetal (roza e retirada) e de corta-las especies arbóreas prohibidas** pola Disposición Adicional 3ª da Lei 3/2007, entre elas, **piñeiros, eucaliptos e acacias**, nunha franxa de **50 metros perimetrais** a:

- Solo urbano, de núcleo rural e urbanizable (franja definida no Plan Municipal de Prevención e Defensa contra os Incendios Forestais da Coruña, publicado no BOP nº 60, do 14 de abril)
- Edificacións e vivendas illadas, urbanizacións, depósitos de lixo, cámpings, gasolineras e parques e instalacións industriais
- Construcións illadas en solo rústico



O prazo máximo para cumprir con esta obriga estenderase ata o día 16 de xullo de 2020, segundo a Resolución da Consellería do Medio Rural de 28 de abril do 2020 (DOG número 82, do 29 de abril)

Quen deba desprazarse para realizar estes traballos levará consigo unha **declaración responsable** onde se identifiquen as leiras nas que vai traballar, coa súa referencia catastral. De non levar consigo as ferramentas ou utensilios para desenvolver as ditas actividades, incluírán na declaración responsable que os teñen depositados na parcela ou lugar determinado. O modelo de declaración responsable poderá descargarse na web de Medio Ambiente do Concello da Coruña. www.coruna.gal/medioambiente

O incumprimento das ditas obrigas conlevará a tramitación do correspondente procedemento, segundo o disposto na Lei 3/2007, do 9 de abril, de prevención e defensa contra os incendios forestais de Galicia, e na Lei 2/2016, do 10 de febreiro, do solo de Galicia.

O Plan Municipal de Prevención e Defensa contra os Incendios Forestais do Concello da Coruña pode consultarse, así mesmo, na web municipal de Medio Ambiente, no seguinte enlace:

<https://www.coruna.gal/medioambiente/gl/divulgacion-e-educacion-ambiental/comunicacion/axenda/axenda/aprobacion-do-plan-municipal-de-prevencion-de-incendios>

Concellería de Medio Ambiente e Sostibilidade
Concello da Coruña